

էր եկեալ վասն ուրախութեան և չարութեան, այսինքն՝ Թըլթըն և Պարմախսուզն, Պունիաթն և Քեօրն։ Եւ երբ զթուղթքն առին բազում ուրախութեամբ յայտնի տեսողացն և ընդ միմեանս անդ խօսս բանան և ասեն՝ Կարդալ պարտիմք զբանադրանքս. և ասեն Այո՛, այո՛. և ոմանք ասեն՝ Չկարէք. և Քեօրն ասէ՝ Ոչ տամք կարդալ զսա՛յ՝ անէծքս և նզովքս յիմ վերայ եղիցի։ Այսպէս ուրախութեամբ ելեալ գնացին։ Զայս լեալ մեր՝ գնացաք ի ժամ և նստաք անդ, և յետ ժամուն ժողովեցան բարեկամք և սիրելիք առ գաւթովն եկեղեցոյն. յետ բազում խօսից և ուղարկեցին մարդ առ աթոռակալն մեր՝ թէ տացէ զթուղթքն զի սմա է եկեալ, տացեն զթուղթն իւր սմա։ Եւ ևս Տէրտէրն իմ բազում բան ասացեալ, և վերջինն այս եղև թէ Ոչ ընդունիմ զնա բաց, այլ կնքով կաթողիկոսին առ իս դարձցի։ Եւ ոչ է գտեալ զնա անդ. և այլ երէց ուղարկեցին առ նա՝ թէ տացէ. և գտեալ զնա, և նա ինքեար արարեալ թէ Կրկին ետու ի Բարսեղն. և կրկին մարդ ուղարկեալ առ իրիցունսն՝ զի ոչ կարդացեն զթուղթն։ Եւ յետ պահու ինչ եկն Յարութիւն Չէլէպին ի մուֆտոյ, և ասացեալ զիրս բանին. և յետ պահու ինչ ասացեալ մեզ թէ Գնացէ՛ք յԱստուածատուր վարդապետն։ Եւ ի հասարակել զիշերոյս ելեալ գնացաք ի Սուրբ Գէորք և Մարտիրոս վարդապետն ելեալ ընդ մեզ եկեալ, և զիր գրեալ մեծ վարդապետն (Աստուածատուր) աթոռակալաց և իշխանաց թէ Գիր է եկեալ, ոչ ոք ունի իշխանութիւն բանալոյ զնոսա առանց հրամանի մեր։ Եւ մին այլ Բարսեղին ուղարկեաց թէ Թղթերն ամենայն ի մօտ իմ պարտիք և ես բացից զնոսա։ Եւ գնացաք յԱստուածածին եւ խաչատուր վարդապետն եւս եկն եւ նստաւ եւ բարեկամք յիշխանաց Գ եկեղեցոյս եկեալ նստան առ նոքօք և ուղարկեցին զթուղթն, յոր մօտ